

茅亭客話目錄

卷一

蜀先兆

太平木

甘露

天尊木

虎盜屏跡

蜀無大水

車轍跡

程君友

雍道者

卷二

王客

崔尊師

茅亭客話

目錄

范處士

李處士

張海上

蘇推官

費尊師夢

馮山人

李四郎

卷三

淘沙子

張道者

大覺禪師

張平雲

王居士

勾居士

味江山人

蘭亭會序



八五開

卷四

家居泰

周寫貌

丁元和

王太廟

劉長官

陳損之

史見魂

女先生

李聾僧

勾生

卷五

黎海陽

白蝦蟆

鮮于耆宿

食蝦蟆野茵

茅亭客話

目錄

虹蜺

雷

雨雹

雉龍

季老

慈母池

龍女堂

卷六

悼蜀詩

艾延祚

夷人婦

張光贊

金相輪

金寶化爲煙

奢侈不久

劉吁

卷七

哀亡友辭

郝逢傳

陳季和

鬻屨嫗

盲女

鐵骨魚

卷八

瑞牡丹

寓孔雀書

滕處士

好画虎

虎化為僧

葭萌二客

李吹口

茅亭客話

三目錄

汲古閣

卷九

天倉洞

鬻龍骨

試金石

僧繇閣

石像

魚化為石

採枸杞

趙公山

鹿水溪虵

趙十九

景山人

彈鴛鴦

蚕饅頭

太子太師

卷十

孫處士

黃處士

程先生

杜大舉

任先生

譚居士

小童處士

茅亭客話

目錄

汲古閣

茅亭客話目錄

終

茅亭客話卷第一

宋 江夏 黃休復 集

明 海虞 毛晉 訂

蜀先兆

聖朝乾德二年歲在甲子興師伐蜀明年春蜀主
下降二月除兵部侍郎叅知政事呂公餘慶知軍
府事以僞皇太子策勲府爲理所先是蜀主每歲
除日諸宮門各給桃符一對俾題元亨利正四字
時僞太子善書札選本宮策勲府桃符親自題曰
茅亭客話

卷一

汲古閣

天垂餘慶地接長春八字以爲詞翰之美也至是
呂公名餘慶太祖皇帝誕聖節號長春天垂地接
先兆皎然國之興替固前定矣

太平木

僞蜀廣政末成都人唐季明父失其名因破一木
中有紫紋隸書太平兩字時欲進蜀主以爲嘉瑞
一有識者解云不應此時須至破了方見太平爾
果自聖朝弔伐之後頻頒曠蕩之恩寬宥傷殘之
俗後仍改太平興國之號卽知識者之言諒有証

矣

甘露

聖宋戊申歲帝奉元符禮行泰岳是時雨露之恩徧加率土應天下悉賜大酺其年冬十月知州樞密直學士任公中正於衙南樓前盛張妓樂禱戲以宴耆老遵詔旨也大酺之盛蜀氏雖眉龐齒覲未曾見之可謂榮觀爾歡呼之聲傾動方隅皆稱往歲兩陷盜賊墮於塗炭豈知今日遇文明主作太平民得觀茲盛世矣是歲冬十二月甘露降于

茅亭客話

卷一
二

汲古閣

大聖慈寺甘露寺淨衆寺金繩院龍興觀青羊宮及衙廨內道院凡八處竹栢之上自承天節日至二十日逐夜聯綿不止葉無大小悉皆周徧士庶扶老携幼奔馳于路以盤盃承接嘗飲之甘如飴蜜又里儒証瑞應圖曰夫甘露之降王者尊賢尚齒則竹栢受之聖人作爲道之休明德動乾坤而感者謂之瑞其是之謂乎

天尊木

大中祥符六年綿州彰明縣崇仙觀栢柱上有木

紋如画天尊狀毛髮眉目衣服履舄織縷悉備知
州比部佐郎劉公宗言遂繪事奏聞奉聖旨令津
置赴闕送玉清昭應宮其觀主賜紫及茶絹等物
今川民皆圖画供養之

虎盜屏跡

聖朝未克蜀之前劔利之間虎暴尤甚白衛嶺石
筒溪虎名披鬃子地號稅人塲縣漢間白楊林虎
名裂蹄子商旅聚徒而行屢有遭搏噬者嘉州牛
頭山有子母虎陵州鐵爐山有青豹子彭蜀近山

茅亭客話

卷一
三

汲古閣

鎮縣暴獸成群農家不敢放牧及出門採樵行旅
共苦之又有群盜諸州縣結聚各有百人至二百
人官軍掩捕則與格鬪勝則禦敵官軍敗則奔入
林藪雖有捕盜之吏莫能擒獲僅四十餘年民无
安業聖朝克復後歲貢綱運使命商旅晝夜相繼
廬舍駢接犬豕縱橫虎豹群盜悉皆屏跡得非繫
國朝之盛衰時政之能否乎

蜀無大水

開寶五年壬申歲秋八月初成都大雨岷江暴漲

永康軍大堰將壞水入府江知軍薛舍人文寶與
百姓憂惶但見驚波怒濤聲如雷吼高十丈已來
中流有一巨材隨駭浪而下近而觀之乃一大蛇
耳舉頭橫身截于堰上至其夜聞堰上呼噪之聲
列炬縱橫雖大風暴雨火影不滅平旦廣濟王李
公祠內旗幟皆濡濕堰上唯見一面沙堤堰水入
新津江口時嘉眉州漂溺至甚而府江不溢初李
水自秦時代張若爲蜀守寔有道之士也蜀困水
難至于白竈生蛙人罹墊溺且久矣公以道法役
茅亭客話

卷一

汲古閣

使鬼神擒捕水怪因是壅止泛浪鑿山離堆闢沫
水于南北爲二江灌溉彭漢蜀之三郡沃田億萬
頃仍作三石人以誓江水曰俾後萬祀水之盈縮
竭不至足盛不沒肩又作石犀五所以厭水物於
是蜀爲陸海無水潦之虞萬井富實功德不泯至
今賴之咸云理水之功可與禹偕也不有是績民
其魚乎每臨江澣皆立祠宇焉

車轍跡

綿州羅江縣羅瓚山有羅瓚洞昔羅真人名瓚修

道上昇之所也其洞凡有水旱疾癘禱之靈無不應太平興國五年庚辰歲中秋彩霧輕烟月光如晝香風瑞氣瀾漫山谷四遠村民登層巒而望之唯聞音樂環珮之聲遲明但見車轍之跡去洞十里餘闊一丈以來碾土深三四寸其轍跡隨山勢高下直至洞門迤邐狹小卽不知神仙乘車出洞耶音樂之聲晝夜不絕遂聞諸州縣時殿前承旨兵馬監押知縣事陳覃縣尉鄒崇讓尋詣仙洞觀茲轍跡樂聲以事奏聞詔大九井山虎耳先生李茅亭客語

卷一
五

汲古閣

洞賓賞香於洞前設醮禮察視之由以祈靈貺虎耳先生大名府有道之士時呼爲李八百云已八百歲如五十許童顏鬢髮行速言徐每駐足士民聚觀者如堵先生卽於懷袖中探取銅錢二三文撒之則稍得人退因是每十步二十步取錢一撒至暮懷袖之中錢無缺焉翌日與諸官入洞行十里已來唯聞異香襲人樂聲隱隱人吏各持香燭屏息捫藤足履嵌窟魂竦汗瀝先生步無差跌神氣自若出洞之時衣履之上無泥滓露汚之跡

程君友

遂州小溪縣石城鎮仙女埡村民程翁名君友家
數口墾耕力作常於鄉里傭力織草履自給人質
鄙朴而性慈仁行見禽獸常下道迴避不欲驚之
寡訥少與人交言年六十許凡見山人道士聚得
傭負之直以接奉之凡有行李者卽與之負擔無
遠近或遺其錢卽不顧而迴如此率以爲常開寶
九年春往雲頂山寺遇一道士古貌神俊布衣籠
幘引一黑狗見君友云願與我携拄杖藥囊到青
茅亭客話

卷一
六

汲古閣

城山當倍酬爾直君友忻然隨之入一小徑初則
田疇荒梗漸見花木與常所歷者路稍異行三四
里又見怪石夾道皆生細竹桃花飛泉鳴籟响亮
山谷望中有觀宇依山臨水松桂清寂薄霧輕煙
披拂左右黑狗前奔道士昇廳君友致藥囊拄杖
于堦上道士曰爾有仙表得至於此開囊取瓢傾
丹一粒令吞之曰若有饑渴則可嚼栢葉栢實些
些君友懇祈願住仙齋以効廝役道士曰爾且歸
家別止一室精思妙道吾至九月八日當來迎爾

君友拜謝未終黑狗起吠因出門避之向來所遇如失寂無影響若夢寐中逡巡見一負薪者問之云是青城山洞天觀路君友歸家無饑渴之念遂別止一室不顧家事嘗焚栢子栢葉靜坐無所營爲不飲不食時嚼栢實三五顆而已門外有一栢樹下有一大盤石常織草屨及偃息于上至九月七日夜山谷月皎風清君友於居前後如有所待達旦雲霞相映有如五色君友仰觀躡空祥風忽生彩霧鬱起妻孥悲號遂越巨壑層巒涕泗追望

茅亭客話

卷一
七

汲古閣

極目而沒鄉里皆見聞時知州右補闕李公準通判張公蔚以爲妖訛囚繫君友妻男子獄遣吏民於遠近尋其踪由時村耆鄉里不堪其擾衆焚香告曰君若得道却乞下降勿使鄉人濫獲其罪忽一日君友在州衙門請見通判張公怒而詈之曰若仙當往矣豈得復還顯是妖也將加責辱令拘之君友但俛首默坐唯不飲食吏人有私問之曰何以得免對曰新主將立何患乎不免言辭安詳人皆不論至十二月初值太宗皇帝登極遇赦至

是方悟新主之驗也君友歸家入諸舊室有真仙
時降輝光燭空升床連榻笑語通宵妻男聽之皆
不可曉至太平興國元年三月三日於栢樹下石
上復騰空冉冉而去妻男望之已在霄漢唯聞音
樂及香風終日不止本州以事奏聞恩賜其妻男
粟帛時鞠獄吏張漢瑆覩其事蹟因是棄妻子遊
歷名山至今尚在

雍道者

雍道者名法志東川飛鳥縣元和鄉人也人雖鄙

茅亭客話

卷一
八

汲古閣

朴而性慕清虛常供養一石老君及誦天蓬咒枕
中經因夢一道士云雍法志吾於汝處求錢三千
貫文法志辭貧道士取石像前櫻帚云但有患者
將此帚掃之卽愈言訖而覺因是鄉里有患者將
帚掃之應手立愈里人相傳求鑿者填委時郡城
西南青羊官卽老君降生之所咸平中兵火蕩焚
唯降生元陽二臺存焉遺址荒圯鞠爲茂草已酉
歲知州密直學士任公請重興舊址其殿東每夜
聞鍾聲不知所因鑿池獲一銅鍾扣之響三十餘

里士庶游觀經春及夏法志於宮門見一小兒偃
僕而行以櫬帚掃之正腰而去聚觀者架肩接踵
禮法志爲神仙時起宮工匠輩有腰脚手臂痛者
掃之皆愈因是四遠傳云雍道者掃育者能視跛
者能履患者雲集有賚金守門經旬未獲掃者所
得錢帛並送餘造所逾百日因悅一嬾人潛出不
歸患人稍稍不集至是年冬再來掃病无應自慚
而遁因詰其修造掌籍者錢僅三千余貫正符夢
中之數爾

茅亭客話

卷一
九

汲古閣

茅亭客話卷第二

宋 江夏 黃休復 集

明 海虞 毛 晉 訂

王客

王客者失其名及鄉里常携筇挈籃引一斑犬往來叩棘間以採藥爲事多止於荒廟廢寺中雖雪霜風雨亦無所避優游市肆人或問修養之道卽默而不對好事者多飲之以酒積數年形貌服飾未嘗更易天禧戊午歲春自言遊青城山迴時臨茅亭客話

卷二

汲古閣

叩宰師仲冉頗好道藝思見其人卽令召之與語且曰飲酒否對曰某有少藥君能服之某亦飲酒師侯受藥各飲數盃欸話移時云吾儕野人心近雲鶴久居城市頗思歸鄉誠有奉託辭出往故驛路去師侯餌藥漸覺輕安專令人訪之至四月二十七日獨携杖負笈往臨溪路一里間有寺曰國寧遂於寺門下坐行人問之曰日將暮矣於此久坐何爲答曰我有師在此至暝忽暴卒于門下鄉耆聞官權瘞子道左至六月師侯聞之曰曩所言

久別家山頗思歸鄉斯之謂乎遣吏趙秀往彼焚之發其尸顏貌如生手足皆軟若熟寐焉頃之身下清泉湧出浮屍而起遂就沐浴之鄉村聚觀或以衣服歛之兼及設酒饌而祭者師侯曰吾聞仙人不死脫有死者乃尸解也此人真解化乎身雖委蛻神未遐逝自輟俸以瘞之且旌異人也前所言有師在此其是之謂乎休復常讀登真隱訣謂仙道有昇天躡雲者遊行五岳者服餌不死者尸解而仙者忽有暫遊太陰自有太一守尸三魂營

茅亭客話

卷二

汲古閣

骨七魄衛肉胎靈錄氣雖以鐵石牢固藏閉終至煉形數滿當自擘石飛空而仙者夫得道之士入火不爍入水不濡躡空如履實觸實如蹈虛雖九地之厚巨海之廣八極之遠萬方之大應倏欵而至何所拘滯耶所以然者形與道合道無不在毫芒之細萬物之衆道皆有之今備錄者與王客張本也

崔尊師

崔尊師名無斃王氏據蜀由江吳而來託以聾聵

誠有道之士也每觀人書字而知休咎能察隱伏
逃亡山藏地秘生期死限千里之外骨肉安否未
嘗遺策時朝賢士庶奉之如神明龍興觀道士唐
洞卿令童子以器盛蘿蔔送杜天師光庭值崔在
院門坐遂乞射覆崔令童子於地上劃一箇字童
子劃一此字崔曰蘿蔔爾童子送迴拾一片損梳
置於器中再乞射覆崔曰劃字於地童子指前來
此字崔曰梳爾洞卿怪童子來遲童子具以崔射
覆爲對洞卿久知崔有道令童子握空拳再指此

茅亭客話

卷二
三

汲古閣

字崔曰空拳爾洞卿親詣崔曰一字而射覆者三
皆不同非有道詎能及此崔曰皆是童子先言非
老夫能知爾此字象蘿蔔亦象梳亦象空拳何有
道邪崔相字託意指事皆如此類王先主自天復
甲子歲封蜀王伯盛之後展拓子城西南收玉局
化起五鳳樓門五門雉堞巍峩飾以金碧窮極瑰
麗輝煥通衢署曰得賢樓爲當代之盛玉局化尊
像並遷就龍興觀以其基址立殿宇廣庫藏時杜
天師詣崔曰今主上遷移仙化其有証應乎崔嘆

息良久言曰皇嗣作難爾甲戌歲果僞皇太子元膺叛尋伏誅後杜天師謂崔曰有道之士先識未能崔曰動局子亂必然之事何有道先識者哉杜天師曰此化畢竟若何崔曰局必須復非王氏不可也先主矧少主嗣位明年再起仙化以爲王氏復局之驗也聖宋大中祥符甲寅歲知州諫大夫凌公策奏乞移王先生祠取其材植以修此化土木極備樓殿壯麗工木未畢或於玉局洞中出五色雲觀者千餘人移時而散尋畫圖呈進降詔獎

茅亭客話

卷二
四

汲古閣

諭卽崔所言王氏復局之事証應何其遠哉休復嘗讀仙傳拾遺云二十四化各有一大洞或深廣千里五百里其中有日月飛精謂之伏辰之根下照洞口與人間無異有仙王仙官卿相輔佐如世之職司凡得道之人積功遷神返生者皆居其中以爲民庶每年三元八節諸天上真下降洞中以觀其理善惡人世生死興廢水旱風雨皆預關於洞府及龍神祠廟血食之司皆洞府之統攝也二十四化之外有青城峩眉益登慈母繁陽嶠冢等

洞又不在十大洞天并三十六洞天之數洞府之
仙曹亦如人間之州郡爾夫天之所有誰能廢之
違天必有大咎子亂之禍能無及此乎

范處士

范處士名德昭蜀人也不知所修之道著通宗論
契真刊謬論金液還丹論僞蜀主頻召入內問道
稱旨頗優禮之處士談論多及物情以鑒戒爲先
蜀人每中元節多生五穀俗謂之盆草盛以供佛
初至時介意禁觸謂嘗有雷護之旣中元節後卽

茅亭客語

卷二
五

汲古閣

棄之糞壤處士太息曰豈知聖人則天之明生其
六氣因地之性用其五行斲木爲耜操木爲耒耒
耨之利以教天下播種五穀以育於人而不知天
地生育之恩輕棄五穀如是宜乎神明不祐而云
獲禍悲夫

李處士

李處士名諶學識精博嘗講五經善誘誨人問無
所隱四十餘年以束修自給每講春秋嘗云孔聖
見周德下衰諸侯強盛雖有典禮而不能舉雖有

賞罰而莫得行孔子因是筆削魯史上遵周公之制下明將來之法以褒貶而代賞罰俾夫善人知勸而淫人知懼也左丘明魯國史官受經于孔子恐七十弟子各生異端失其大旨遂以諸國簡牘博採衆記而作傳焉其傳忽先經以始事忽後經以終義忽依經以辯理忽錯經以合異廣記備言以成一家之通體爾杜征南不思孔子修經與詩書周易爲等列丘明之傳當與司馬遷班固爲等列豈合將經之年與傳之年相附參而貫之將令茅亭客話

卷二
六

汲古閣

學者素無資稟縱意自裁但務聲律罔知古道將周孔之聖賢班馬之文章皆不由茲製作靡得而達焉然皇王帝霸之道興亡理亂之體其可聞乎遂引証當時以左傳文爲春秋者數人今不具錄休復屢見失其旨歸如處士之言者倘能使春秋自爲經左氏自爲傳則不迷於後生者矣

蘇推官

僞蜀子城西南隅有道士開卜肆言人之生平休咎皆如日覩僞蜀廣政中進士蘇協杜希言同往

訪之道士謂蘇曰秀才明年必成名蘇未甚信之
道士曰成固定矣兼生貴子時內饋方孕逼期因
是積以爲驗顧杜曰秀才成何太晚耶杜不樂以
爲妄誕愠而退明年春蘇于制誥賈舍人下及第
杜果無成蘇過杏園醺生一子卽易簡也至禮部
侍郎參知政事杜方悟道士之言遂再謁之問名
第雖云晚成未審祿如何年秋終何地道士曰秀
才勉旃必成大名然其事稍異不能言之杜生請
之曰君成事之日在蘇先輩新長之子座下杜曰
茅亭客話

卷二
七

汲古閣

若保斯言欲辭福祿得乎道士曰從此以往未之
或知也其年蘇授彭州司法叅軍改陸州軍事推
官聖朝伐蜀赴闕累任外官其子果以狀元及第
端拱二年由翰林學士知舉杜始得成都解南宮
奏名登第授常州軍事推官不祿時子弟嶠遊京
師見杜云鄉知唯吾友一人見某老成遂言老成
之始末故得書之然死生有命富貴在天何道士
見之遠也

僞蜀舉人張洸字海上雍熙丙戌歲往嘉州謁平
羌令船次平羌漑下夜泊忽夢二人容貌端儼白
衣華煥於洸前俯伏求救洸覺惟聞船棧下跳躑
之聲不已視之乃二鯉魚焉洸性躁急不能容物
怒此魚撓其寢遂扶棧取魚棄于江中旣而就寢
復夢二白衣持大蒜數頭懇謝而去遲明方悟向
夢者魚也至于平羌因以夢告平羌令曰君之
夢祥符也放魚所感蒜者筭也當延君筭爾洸至
晚年著後隱書三卷亦紀夢魚之事享壽七十八
茅亭客話

卷二
八

汲古閣

而卒

費尊師

陵陽至道觀主費禹珪字天錫文學優贍時輩所
稱僞蜀嘗應進士舉名絢或夢衣錦在井中覺後
自喜曰及第衣錦遊鄉井爾他日因與知軍事推
官蘇協論名第皆由陰注凡舉人將歷科場多有
異夢禹珪因言前夢蘇曰非佳夢爾衣錦井中是
文章未顯之兆費不悅來春果下第歸鄉因告蘇
曰人生百年有如風燭止可怡神養志詩酒寄情

更不能爲屑屑之儒誠有雲栖之志矣蘇曰世祿
暫榮浮生如寄唯登真履道可後天爲期也某有
豎子雖愚請教授之卽參政侍郎也洎明年聖朝
伐蜀蘇上京歷任至太平興國中授開封府司
錄叅軍不祿休復嘗讀鑿書云人藏氣陰多則夢
數陽壯則夢稀有夢亦不復記之夫瞽者無夢愚
者少夢故騶早百夕無一夢乃知夢者習也又不
獨至人者哉頃有一士人能原夢遂撰一夢請占
之災祥皆驗他日告云吾實無夢向所夢吾撰也
茅亭客話

卷二
九

汲古閣

聊以試君皆驗何也原夢者曰意形於言災祥隨
之何況夢筆夢松者乎則知夢者不可以一事推
之爾

馮山人

馮山人名懷古字德淳遂寧人也有人倫之鑒善
辯山水地理太平興國中于青城山三蹊路牛心
山前看花山後因卜居立三間大閣偃息于中居
常所論皆丹石之旨以吐納導引爲事博採方訣
歌頌圖記丹經道書無不研考每遇往來者有服

餌者有入室求仙者有得禊藝者有能製服諸丹石者復有誇誕自譽壽過數百歲者有常與神仙往還者欲傳之者以方書爲要授之者以金帛爲情盡皆親近承事之雖伎藝無取皆以禮接之咸平中成都一豪家塋父徧訪能地理者選山下穴凡數歲方得之因令馮看之馮曰陵廻阜轉山高隴長水出分明甚竒絕也主人云自塋之後家財耗散人口淪亡何竒絕地如是耶山人曰頗要言之凡萬物中人最爲靈受命於天與物且異而有茅亭客話

卷二
十一

汲古閣

貴賤各得其位如鳥有巢栖獸有穴處故無互相奪者也此山是葬公侯之地豈常人可處所以亡者不得安存者不得寧易曰負且乘致寇至小人而乘君子之器其是之謂乎

李四郎

李四郎名玆字廷儀其先波斯國人隨僖宗入蜀授率府率兄珣有詩名預賓貢焉玆舉止溫雅頗有節行以鬻香藥爲業善奕棋好攝養以金丹延駐爲務暮年以爐鼎之費家無餘財唯道書藥囊

而已嘗得耳珠先生與青城南六郎書一紙論淮南三煉秋石之法每焚香熏之有一桃核盃圍可餘紋彩燦然真蟠桃之實爾至晚年末而服之雍熙元年春遊青城山於六時巖下溪水中得一塊石如雁卵色黑溫潤嘗與同道者玩之一日誤墜于地碎爲數片其中空焉可容一合許物四畔皆雕刻龍鳳雲草之形文理纖妙皆甚竒異殆非人工或曰此神仙所玩之物矣

茅亭客話

卷二
十一

汲古閣

茅亭客話卷第三

宋 江夏 黃休復 集

明 海虞 毛晉 訂

淘沙子

僞蜀大東市有養病院凡乞丐貧病者皆得居之
中有携畚鍤日循街坊溝渠內淘泥沙時獲碎銅
鐵及諸物以給口食人呼爲淘沙子焉辛酉歲有
隱迹于淘沙者不知所從來及名氏常戴故帽携
鐵把竹畚多於寺觀閒靜處坐卧進士文谷因下
茅亭客話

卷三

汲古閣

第往聖興寺訪相識僧見淘沙子披褐於佛殿上
坐谷見其狀貌古峭辭韻清越以禮接之因念谷
新吟者詩數首谷愕然又諷其自作者數篇其詩
或譏諷時態或警勵流俗或說神仙之事谷莫之
測因問谷今將何往谷曰謁此寺相識僧求少紙
筆之資別謀投獻其人於懷內探一布囊中有麻
繩貫數小鋌銀遂解一鋌遺谷戴帽將所携器長
揖出寺而去谷後得僞通奏使王昭遠禮於賓席
因話及感遇淘沙子之事念其詩曰九重城裡人

中貴五等諸侯闈外尊爭似布衣雲水客不將名
字掛乾坤王公曰有此異人遂聞于蜀主因令內
園子於諸街坊尋訪之時東市國清寺街有民字
文氏宅門有大桐樹淘沙子休息樹陰下宇文頗
留心至道見其人容質有異遂延于廳問其藝業
云某攻詩嗜酒言論非俗因飲之數爵與約再會
浹旬淘沙子或到其門將破帽等寄與門僕令報
主人其僕忿然厲聲罵之曰主人豈見此等貧兒
耶宇文聞之遽出迎候愧謝曰翹望日久何來晚

茅亭客話

卷三

汲古閣

耶卽與飲且酣宇文曰神仙可致乎至道可求乎
淘沙子曰得之在心失之亦心宇文曰某數年前
遇人教令嚙氣未得其驗廢之已久淘沙子曰修
道如初得道有餘皆是初勤而中惰前功將棄之
矣世有黃白有之乎好之乎宇文曰某雖未嘗留
心安敢言不有安敢言好之淘沙子因索銅錢十
文衣帶中解丹一粒醅浸塗之燒成白金此則神
仙之藝不可厚誣之但罕遇也有自言者皆妄也
遽辭而去翌日凌晨扣門將一新手帕裹一物云

淘沙子寄與主人宇文開而觀之乃髻髮一顆莫測其由至日高門僕不來令召之云今早五更睡中被人截却頭髻將去蜀主聞之訪於宇文宇文尋於養病院云今早出去不歸自茲無復影響休復見道書云刺客者得隱形之法也言刺客若死屍亦不見每二十年一度易形改名姓謂之脫難多有竒怪之事名籍已係地仙淘沙子是其流也

張道者

僞蜀大東門外有妙圓塔院僧名行勤俗姓張氏

茅亭客話

卷二
三

汲古閣

人以其精於修行因謂之道者早歲南行中年駐錫麗眉皓髮貌古形羸住草屋數間唯繩床一張及木棺一所不從齋請晝則昇牀而坐夜則入棺而卧衣服未嘗更換人問之拱默不對人皆仰其高節遺之衣服則轉施貧人與米麩鹽酪則受以一大瓶貯之常滿每齋則取一抄合而食三紀偃息自若不誑流俗其清尚如此時齒八十臨終自拾薪草積於院後告諸門徒曰吾卽日行化希以木棺置于薪草之上以火爇之老僧幸矣至期依

其教諭于煨燼中得舍利數十粒葬於塔中時有
慈覺長老禪門宗匠也有書妙圓塔院張道者屋
壁云成都有一張道者五十年來住村野祇將淡
薄作家風未省承迎相苟且南地禪宗盡徧參西
蜀叢林遊已罷深知大藏是解粘不把三乘定真
假張道者傍沙溪居蘭若草作衣裳茅作舍活計
生涯一物無免被外人來借借寅齋午睡樂哈哈
檀越供須都不謝沿身不直五分銅一句玄玄豈
論價張道者貌古神清不可畫鶴性雲情本自然

茅亭客話

卷三
四

汲古閣

生死無心全不怕總逢劫火未爲災暗裡龍神應
嘆訝張道者不說禪不荅話蓋爲人心難誘化盡
奔名利謾驅驅箇箇何曾有般若分明與說速休
心供家却道也爛也張道者不聚徒甚脫洒不結
遠公白蓮社心似秋潭月一輪何用聲名播天下

大覺禪師

禪師名慈覺字法天姓劉氏自王蜀末遊南方至
孟蜀初歸住大覺禪師性急言速應答如流人問
一部蓮經何者是妙法師戟其手曰教汝鼻塌問

爲甚如此對曰謗斯經故獲罪如是僞蜀李相昉嘗問道於師優禮待之師有禪客須知集禪宗祖裔圖闡道歌行偈頌三百餘篇題曰禪宗至道集行于世

張平雲

張居士名嶠字平雲學釋氏法人謂之居士時有勾居士問不拘生死者願師直指答云非干日月照晝夜自分明又問百億往來非指的光明終不礙山河時如何答云紅尾謾搖三尺浪真龍透石

茅亭客話

卷三
五

汲古閣

本無踪嘗撰參玄錄玄珠集歌行句偈百餘篇云毳流來問我家風我道玲瓏處處通頃刻萬邦皆徧到途中曾未見人逢其仙化三日口吐氣滿屋氛氲有弟子告云居士常言宗門祇以眼目爲先不以睡相爲事居士今日何以如此言訖香氣乃絕

王居士

居士王裕四十餘年留心禪學三蜀叢林皆盡參徧學流與之切磋話句無逃其確論爾至暮年示

疾於同流曰吾期某日行化至期居士有季父爲僧語之曰吾爲汝作十念居士曰透滿無形十方無礙直至無心未得爲了何況有念者哉言訖奄然而逝

勾居士

勾居士名令玄蜀都人也宗嗣張平雲有學人問答隨機應響著火蓮集無相寶山論法印傳况道襟言百餘篇有敬禮瓦屋和尚塔偈曰大空無盡劫成塵玄步孤高物外人日本國來尋彼岸洞山茅亭客話

卷二
六

汲古閣

林下過迷津流流法乳誰無分了了教知我最親一百六十三歲後方於此塔葬全身瓦屋和尚名能光日本國人也嗣洞山悟本禪師天復年初入蜀僞永泰軍節度使祿虔宸捨碧鷄坊宅爲禪院居之至孟蜀長興年末遷化時齒一百六十三故有是句

味江山人

唐末蜀州青城縣味江山人唐求至性純慤篤好雅道放曠踈逸幾乎方外之士也每入市騎一青

牛至暮醺酣而歸非其類不與之交或吟或咏有所得則將藁撚爲丸內於大瓢中二十餘年莫知其數亦不復吟詠其贈送寄別之詩布於人口暮年因卧病索瓢致于江中曰斯文苟不沉沒于水後之人得者方知我苦心耳漂至新渠江口有識者云唐山人詩瓢也探得之已遭漂潤損壞十得其二三凡三十餘篇行于世題鄭處士隱居云聞說最清曠及來愁已空數點石泉雨一溪霜葉風業在有山處道成無事中酌盡一罇酒病夫顏亦

茅亭客話

卷三
七

汲古閣

紅贈行如上人云不知名利苦念佛老岷洩補衲雲千片香焚篆一窠戀山人事少伶客道心多日日齋鐘後高懸濾水羅題青城山范賢觀云數里緣山不厭難爲尋真訣問黃冠苔鋪翠點仙橋滑松織香稍古道寒晝傍綠畦鋤嫩玉夜開紅竈撚新丹鍾聲已斷泉聲在風動瑤花月滿壇贈僧云曾開半偈雪山中貝葉翻時理盡通般若常添持戒力藥叉誰笑念經功雲開曉月應難染海上孤舟自任風長說滿庭花色好一枝紅是一枝空夫

艸澤間有隱逸得志者以經籍自娛詩酒怡情不
耀文彩不揚姓名其趨附苟且得无愧赧唐山人
乎

蘭亭客序

晉穆帝永和九年莫春三月三日太原孫統承
公富春孫綽興公唐漢王彬之道生陳郡謝安石
高平郗曇春熙太原王蘊叔仁釋支遁道林并逸
少子疑之微之操之第四十有一人修禊之會羲
之爲序興逸而書之筆蹟道媚勁健絕代凡二十

茅亭客語

卷三
八

汲古閣

八行三百二十四字唐太宗購得其本令趙模韓
道政馮承素諸葛貞等摹勒以賜皇太子諸王近
臣太宗酷好書法有大王書真蹟三千六百張率
以一丈二尺爲一軸得一百五十卷太宗自書貞
觀二字爲印印縫及卷之首尾又選貴臣子弟有
性識者以爲弘文館學生內出書法命之學習焉
其有人間善書者並召入館由是十數年間海內
靡然工書翰者衆其王書法帖所寶惜者獨蘭亭
序爲最常置於御座之側朝夕觀覽貞觀二十三

年聖躬不豫臨崩謂高宗曰吾欲從汝求一物汝誠孝也豈能違吾心耶汝意如何高宗聽命太宗曰吾所欲得蘭亭可將去乎高宗哽噎流涕曰唯命奉諱之日用玉匣貯之隨仙駕送入靈宮今趙模等所摹者本往往有好事者收藏得僞蜀時吳王遣內客省使高弼通好持國書于蜀因獻僞皇太子王羲之石本蘭亭一軸當時識者議此本是羲之撰序後刻石於蘭亭者僞皇太子攻王書體法精妙弼故有是獻僞翰林待詔米芾鄰侍書於

茅亭客話

卷三
九

汲古閣

太子掌書法百餘卷皆是二王法帖古來名賢墨跡及石本者迨聖朝伐蜀其書帖盡歸米道鄰私家至乾德中有鬻彩牋王七郎名文昌與道鄰世舊道鄰因與文昌石本蘭亭卽吳使高弼獻太子者文昌好博雅古來名書多收藏之羲之真書樂毅論黃庭經草書十七帖晉魏兩漢至李唐名臣墨蹟及石本皆萃於家當時與往還好書者毛熙震王著勾中正張仁戩黃居實張德釗張文懿史戴滕昌祐石恪李德華陳熙載僧懷戩義西嘗訪

之閱其所藏終日忘倦太平興國初光祿卿高公
保寅卽渚宮高氏之後入川爲九州巡檢休復嘗
謁見之因得張藻山水一軸羲之墨蹟蘭亭一軸
注崇山二字圍者乎二字皆是趙模諸葛貞楊者
檀香軸古錦標皆燼晦蟲蠹時得與諸賢往復玩
之甲午歲家藏書画焚掠殆盡今蜀中兩經寇亂
諸家名書古画罕得見聞故備言之爾

茅亭客話

卷三
十一

汲古閣

茅亭客話卷第四

宋 江夏 黃休復 集

明 海虞 毛 晉 訂

家居泰

僞蜀眉州下方垠民姓家氏名居泰夫妻皆中年
唯一男旣冠忽患經年羸瘠日加醫藥無復瘳減
父母遂虔誠置千金方一部于所居閣上日夜焚
香望峩眉山告孫真人禱乞救護經旬餘一夕夫
婦同夢白衣老翁云汝男是當生時授父母氣數
茅亭客話
一 卷四
汲古閣
較少吾今教汝每旦父母各呵氣令汝男開口而
嚙之如此三日汝男當愈夫婦覺而皆說符協如
一遂冥心依夢中所教初則骨未始壯次乃能食
而行積年諸苦頓愈後冠褐入道常事真人無怠
焉

周寫貌

僞蜀成都人周元裕攻寫貌時因避暑於大聖慈
寺佛牙樓下或自長吁傍有一村人詰其吁嘆元
裕答云某攻寫真有年矣生平薄命有請召寫真

者富室則不類貧家則酷似母老供給不迫故有是歎村人因問元裕踰泊之處良久曰某有薄土在靈池縣隣村有觀觀主欲要寫真囑我多時來日詰朝同來相尋勿失此約翌日有一道流白哲長髭來求寫真云夜來隣村門徒話及特來奉謁元裕乃定思援毫立就其貌无少差異道流喜云門外有一僕將少相酬出門呼之已失道流踪跡遂巡蜀城士庶咸言靈池朱真人來周處士家寫真求請真容者日盈其門自此所獲供侍周瞻觀茅亭客話

卷四

汲古閣

丁元和

丁元和者自幼好道不慕聲利踈傲无羈束或晴霽負琴出郭飲酒杖策逍遙於田畝間常言祖父長興元年於遂州值孟先主與東川董太尉會兵攻圍州城先是城中有一貧士曰宋自然常於街市乞丐里人不能辨之至重圍中人皆饑殍宋亦餓殍於州市相識者以簞裹埋城下俟時平焚之至明年有遂州驅使吏李彥者先往潞州勾當至

城破方歸說見宋自然在潞州告云君若歸州事
須與我傳語相識五七家那時甚是勞煩人答以
自然於重圍中已死因與發埋處只見空篋其間
有一紙文字云心是靈臺神之室口爲玉池生玉
液常將玉液漑靈臺流利關元滋百脈百脉潤柯
葉青葉青柯潤便長生世人不會長生藥鍊石燒
丹勞爾形元和因是學道深得其用休復嘗讀道
書登真隱訣云解化之道有人焉解化之法其道
隱秘笑道之輩但見其狼藉乞丐於廛市以爲口
茅亭客話

卷四

汲古閣

實非其所知然一度託解須歛蹟他方屢更名姓
忽逢遇知識露少踪由以激後人非奉道好奇者
孰能採摭其隱顯爾

王太廟

僞蜀成都南米市橋有柳條家酒肆其時皆以當
壚者名其酒肆柳條明悟人多狎之偶患沉綿經
歲骨立尸居俟死而已有一道士常來貰酒柳條
每加勸奉因愍其恭恪乃留丹數粒且云以醅酒
債令三日但水吞一粒服盡此丹患當痊矣柳條

依教初服一粒疾起能食再服杖而能行終服充
盛如初有僞太廟吏王道賓者人皆目爲王太廟
本漢州金堂縣人也因知其事遂懇求柳條取服
餘者藥以鐵茶鐺盛水銀投丹煎之須臾水銀化
爲黃金因是將丹與金呈蜀主云此金爲器皿可
以辟毒爲玩物可以祛邪若將服餌可以度世蜀
主問合丹之法云有草生于三學山中乞宰金堂
以便採藥乃授金堂宰明年藥旣無成知其得丹
於柳條遂誅之休復嘗見道書云未有不修道而
茅亭客話

卷四
四

汲古閣

劉長官

劉長官名蟾美風姿善談論涉獵史傳好言神仙
之事無子息夫妻俱五六十於僞蜀攝成州長道
縣主簿聖朝剋復匿於川界貨藥改名抱一開寶
中于青城鬼城山上結三間茅屋植果種蔬作終
焉之計每一月兩三度入青城縣貨藥市米麵鹽
酪歸山由是人稍稍知之或云有黃白法一日有
三人冒夜投宿自携酒果就語及爐火之事頗相

契合至夜央語笑方酣客曰知長官有黃白法可
以梗槩言之長官初則堅拒客復祈之不已長官
笑曰某自數年浪跡從師祇得此法豈可輕道邪
客曰某等願於隱齋效爨薪鼓鞞之役可乎長官
辭以師授有時他日於丈人真君前相傳爾客作
色云今夜須傳勿爲等閒長官曰適慕君子同道
相逼如此客三人攘臂瞋目眄之良久曰某等非
君子是賊也如不得其法必加害於君於腰間探
出短刃長官與妻惶懼憚其迫脅而併法兼奉之
茅亭客話

卷四
五

汲古閣

殘藥三人得之拱揖而去長官夫妻晦爽下山不
復再往因以山居與李謙處士休復授道於處士
故盡熟其事焉

陳損之

僞蜀王氏時有郎官陳損之至孟氏朝年已百歲
妻亦九十餘當時朝士家有婚聘筵會必請老夫
婦以乞年壽爲名至蜀末年其夫先死後聖朝尅
復至太平興國中老婦猶存僅一百二十歲孫
息輩住西市造花爲業供侍稍給有好事者時往

看之形質尪瘦狀若十二三歲小兒短髮皓然顧視外人有同異類寒暑風霜亦不知之休復嘗見神仙傳云人壽有至一百二十歲非因修養而致皆由稟受以得之則老嫗是也若因修養及得靈藥餌者壽至二百四十歲加至四百六十歲已上則視聽不衰而元昏耄盡其理者可以不死但不成仙爾夫養壽之道唯不傷而已矣

史見魂

史見鬼者蜀人也名惟傳年七十餘孑然居數間

茅亭客話

卷四
六

汲古閣

屋於東市唯以牀座張紙錢而已不知有何法人皆呼之見鬼蜀人咸敬之或云判冥以稱判官有民姓李者嘗敬重之因與偕行至市南勾氏家酒肆前判官望空相揖李因詰之云有水府人吏在此後三日大雨水潦暴漲勾氏出城看水馬驚蹶倒于江中溺死繇是蜀人愈敬之休復見道書真誥云有好陰施奉道教仙者生授職於陰府則史公其人與史公嘗與相知稱天曹門吏太曦子愚亦聞有生人判冥者皆懼人知之不敢妄洩此史

公又不然何謂乎

女先生

遂州女道士游氏不記名太平興國末經過成都遊青城及諸仙化儀質古雅喜談至道容貌可二十餘不飲食云得丹砂之妙有一叟髭髮皓然腰脊偃僂執焚香洒掃之役侍於女冠之後常遭叱辱又有張五經道士名道明年過四十亦爲女冠侍者云此女冠者百二十歲老侍者乃遠孫爾蜀城士民仰從之至於納貨求丹就師辟穀者如市茅亭客話

卷四

汲古閣

焉時知府辛諫議仲甫恐其妖遣出城任遊諸化猶有師資者隨行經數年有遂州劉山人到城休復話女冠之事山人笑云祇自那時與張道明于飛至今見住庚除化向來老侍者卽女冠之父也嗟乎師問者但存誠敬之爲其所欺如稚孺得不戒於所惑乎

李龔僧

僞蜀廣都縣三聖院僧辭遠姓李氏薄有文學多記誦其師曰思鑿愚夫也辭遠多鄙其師云可惜

駢遠作此僧弟子行坐念后土夫人變師止之愈甚全无資禮或一日大叫轉變次空中有人掌其耳遂墮二十餘年至聖朝開寶中住成都義井院有檀越請轉藏經鄰坐僧竊視之卷帙不類乃南華真經爾因與其施主言曰今之人好施金帛圖畫佛像意欲思慕古聖賢遠有大功德及於生民置之墻壁視其形容激勸後人而云獲福愚之甚耶不思古聖賢達皆有言行遺之竹帛一大時教五千餘卷所載粲然已不能自取讀究其修行之茅亭客話

卷四
八

及古閣

理而顧召人看讀亦云獲福益甚愚哉時人謂之僧澄伽

勾生

益州大聖慈寺開元中興創周迴廊廡皆累朝名畫冠於坤維東廊有維摩居士堂蓋有唐李洪度所畫其筆妙絕時值中元日士庶遊寺有三少年俱善音律因至此指天女所合樂云是霓裳羽衣曲第二疊頭第一拍也其中勾生者卽云某不愛樂但娶得妻如抱箏天女足矣遂將壁畫者項上

搯一片土吞之爲戲旣而各退歸勾生是夜夢在維摩堂內見一女子明麗絕代光彩溢目引生於牕下狎昵因是每夜忽就生所止或在寺宇中纏縈迨月餘生舅氏范處士者見生神志癡散似爲妖氣所侵或云服符藥設醮拜章除之始得生父母領之其夜天女對生歔歔不自勝曰妾本是帝釋侍者仰思慕不奪君願託以神契君今疑妾妾不可住君亦不必服諸符藥妾亦不欲忘情於衣帶中解玉琴瓜一對曰聊爲思念之物君宜保愛

茅亭客話

卷四

汲古閣

之自此永訣生捧之無言酬答但彼此嗚咽而已旣去生自是日漸羸瘠不逾月而卒玉琴瓜其家收得至順寇時方失之壁画天女至今項上指甲痕尚存焉

茅亭客話卷第五

宋 江夏 黃休復 集

明 海虞 毛 晉 訂

黎海陽

道士黎海陽其父僞蜀時爲軍職天兵伐蜀海陽隨父戍劍門蜀軍潰散子父遂還於川城東門外丁村古冢忽聞冢內有非常香氣一日因晴明微隙中見少骸骨朽腐至甚旁有一藜黃粉因撥開乃見三小塊雄黃海陽父頗好燒鍊素知冢內雄

茅亭客話

卷五

汲古閣

黃可用遂以衣襟裹之至中夜忽聞人語父子問之曰語者鬼耶答云某非鬼某宋人也家世食祿而某不樂名宦退身學道于楚丘有別墅稍遠置塵凡五金八石難得者必能致之或方法之士欲合鍊試驗者必資其藥品給以爐鼎使成之時德宗疑韋中令在蜀與蠻人連結遂令某爲道士入川見中令伺其動靜居止皇觀三年又遣僧行勤入蜀伺察中令初以談議苦空後說燒煉點化之事中令歷試一一皆驗凡三年中令甚誠敬之或

一日說還丹延駐之法中令愈加景奉後煉丹既成中令齋戒餌之初覺神氣清爽嗜好倍常僧遂辭去至貞元二十年暮春藥毒發而薨某爲與行勤往還遂罹其禍而及此遭樵夫牧豎蹂踐遺骸潛壞朽骨憤憤不已海陽父曰君去世已遠何不還生人中而久處冥冥應曰某曾遇一高士以陰景煉形之道傳我遂於我楚丘別墅深山澹谷中選得一嵌室囑我祇持六年慎莫令諸物所犯歲滿則以衣服迎我於此其人初則支體臃敗唯藏

茅亭客話

卷五

汲古閣

腑不變某遂依其教諭乃閉護之至期開視則身全矣端坐于嵌室之內髮垂而黑髭直而麓顏貌光澤愈於初日某具湯沐新衣迎之云能如是三迴乃度世畢矣某傳得此道今形已不全某今却自無形而煉成有形爾則上天入地千變萬化無不可也某之形雖未圓且飛行自在出幽入明軒冕之貴不樂於吾吾已離人世勞苦豈復降志於其間吾今之死不愈管之生乎海陽父曰敢問其衣襟中藥是何等藥對曰某常從道士入山煉丹

修葺爐鼎爨薪鼓鞞靡不勤力每嘆光景短促筋骸衰老所聞者上藥有九轉還丹不離乎神水華池其次有雲母雄黃服之雖不乘雲駕鳳役使鬼神亦可祛除百病補益壽年某得煉雄黃之法自二十歲服至四十歲獲其藥力苟再以火養就以水吞可冀道於髣髴海陽父告之曰餌藥之法則聞之矣煉形之道少得聞乎言未畢值天曉人行恐有人搜捕不及盡聽因別小逃竄之所自後不復至此海陽父乾德中卒海陽遂依其教服煉雄

茅亭客話

卷五
三

汲古閣

黃衣道士衣尋師訪道二十餘年不食唯飲酒衣服肌膚常有雄黃香氣淳化中在益州錦江橋下貨丹筋骨輕健甲午歲外寇入城海陽不出端坐繩床爲賊所殺惜哉

白蝦蟆

僞蜀將季延秋門內嚴真觀前蚕市有村夫鬻一白蝦蟆其質甚大兩目如丹聚視者皆云肉芝也有醫工王姓失其名以一緡市之歸所止慮其走匿因以一大白合於地至暝石臼透明如燭籠王

駭愕遂齋沐選日負鐮挈蟾辭家往青城山杳絕音耗洎明年聖朝伐蜀竟不知王之存亡也

鮮于耆宿

學射山舊名石斛山昔張百子三月三日得道上昇今山上有至真觀卽其遺跡也每歲至是日傾城士庶四邑居民咸詣仙觀祈乞田蠶時當春煦花木甚盛州主與郡寮將妓樂出城至其地車馬人物闐噎有耆宿鮮于熙者與朋友數人於萬歲池縱飲因掬池水見岍傍艸中有一小白蝦蟆遂

茅亭客話

卷五
四

汲古閣

取之卽席有姓劉失其名堅請看之鮮于固執不與遂嚙鮮于手取將吞之鮮于戲之曰閣下因吞此白蟾苟成得道也祇成強盜爾吞訖忙惶飲水云蝦蟆在某心胸間無所出處昏悶至家旬餘醫治方愈休復曾覽抱朴子內篇云肉芝者謂萬歲蟾蜍也頭上有角目赤額下有丹紋體重而跳捷以五月五日午時取之陰乾以左足畫地成泉帶之碎兵若敵人射已弓弩皆反自傷焉今人以白蝦蟆爲肉芝生吞熟啖者愚之甚也設使白蝦蟆

是肉芝市井之民但知錐刀之利嗜欲無厭藏腑
滓穢苟致其中則滓穢之氣與靈物相攻水火交
戰寧有全人乎太平興國末休復與處士胡本立
進士史載許僧隱巒往雙流縣保國觀看古栢樹
道逢友人袁德隆從者於檐懸一蝦蟇大如扇許
人皆駭視之後月餘再見袁因問向者蝦蟇所在
袁曰是荷擔者獲于田隧中將歸殺而食之其夜
無疾大叫數聲而卒

食蝦蟇野菌

茅亭客話

卷五
五

汲古閣

頃有一士人好食鱸魚及鱉與蝦蟇嘗云此三物
不可殺大者有毒殺人蝦蟇小者亦令人小便秘
臍下癢疼有至死者宜以生豉一大合投新汲水
半椀中浸令豉水濃頓服之卽差淳化中有民支
氏於昭覺寺設齋寺僧市野菴有黑而斑者或黃
白而赤者爲齋食衆僧食訖悉皆吐瀉亦有死者
至時有醫人急告之曰但掘地作坑以新汲水投
坑中攪之澄清名曰地漿每服一小盞不過再三
其毒卽解當時甚救得人夫葷菌之物皆是艸木

變化生樹者曰菌生於地者曰菌皆濕氣鬱蒸而生又有生於腐骸毒蛇之上者大而光明人誤以爲靈芝食而速死故書之警其誤矣

虹蜺

淳化壬辰歲夏六月虹見時餉大雨愚友人李顯元云虹蜺者陰陽之精也虹雄也蜺雌也有青赤之色嘗依陰雲而晝是大陰亦不見日落西虹乃東見見必有雙鮮者雄色淡者雌也入人家飲水或福或凶有陳季和者云咎韋中令鎮蜀之日與茅亭客話

卷五
六

汲古閣

賓客宴于西亭或暴風雨作俄有虹蜺自空而下直入于亭垂首於筵中吸其食饌且盡焉其虹蜺首似驢身若晴霞狀公懼且惡之曰虹蜺者陰陽不和之氣妖沴之兆也遂罷宴座中一客曰公何憂乎真祥兆也夫虹蜺者天使也降於邪則爲戾降於正則爲祥理則昭然公正人也是宜爲祥敢爲先賀旬餘就拜中書令孟氏初徐光溥宅虹蜺入井飲水其母曰王蜀時有虹入吾家井中王先主取其家女爲妃今又入吾家必有女爲妃后男

爲將相此先兆矣未浹旬選其女入宮後從蜀主歸闕卽惠妃也休復母氏常說眉州眉山縣桂枝鄉程氏某之祖裔焉伯父在僞蜀韓保貞幕任本州眉山縣令丁母憂歸村野服將闋時當夏杪天或陰翳見家庭皆如晚霞晃耀紅碧靄然時餉開霽甕釜之中井泉之內水皆涸盡時餉大雨霏霏而已未幾韓侍中授秦州節制伯父署節度推官將知虹蜺者多爲祥矣

避雷

茅亭客話

卷五
七

汲古閣

至道丙申歲夏五月俳優人羅袂長有親戚居南郭井口庄袂長晨往訪之時有庄民網獲數魚袂長取三頭貫於傘中時歸至中路天色晦冥迅雷急雨林木皆傾火光燭地袂長恐魚是龍也棄之田畝中雷電益甚驚懼投村舍避之振慄不能自止俟其霽方歸來日遲明村人將傘與魚云夜來庄主差某相尋恐爲雷雨所驚見雷霹傘箬取乖龍將去魚與傘遭雷火所燎拾得今將歸焉 端拱戊子歲夏六月暴風雷雨震聖興寺羅漢院門

屋柱折有三僧仆于地身如燔灼之狀 世傳乖
龍者苦於行雨而多方窳匿藏人身上或在古木
楹柱之內及樓閣鳴甍中須爲雷神捕之若在曠
野無處逃避卽入牛角或牧童之身往往爲此物
所累遭雷震死俳優爲逃而獲免茲僧不避而震
殺語曰迅雷風烈必變易曰洊雷震君子以恐懼
修省言君子常有戰戰兢兢不敢懈惰見天之怒
畏雷之威恐罰及已也詩云敬天之怒不敢戲豫
敬天之渝不敢馳驅其是之謂乎

茅亭客語

卷五
入

汲古閣

兩電

大中祥符癸丑歲龐永賢者寓居廣都縣夏四月
日將暮忽烈風迅雷發屋拔樹雨電繼之達曉方
息詰朝詢諸行人云電自縣東山橫布數十里西
南沿江而下則更不知其遠邇也兩電過處籬墻
屋宇林木大者皆爲電擊雷拔之牛馬犬豕皆驚
仆地鳥鵲小禽中者俱斃時麥方實無有子遺有
一村人云某家是夜數電穿屋而落大如斛盆甕
鍋釜皆爲擊破其電所至之處樹木屋瓦十不存

二三焉夫電者雨水也皆陰陽相協而成左傳曰
凡電冬之愆陽夏之伏陰聖人在上無電雖有不
爲災此蓋下民當豐稔收成卽便務奢侈以至於
服玩衣裳車馬屋宇違越制度撒棄五穀曾無愛
惜上天垂誠以懲之爾

雉龍

郭監者忘其名以其語聲高大因謂之曰監本成
都豪族不事生業唯好畜鷹鷂常募能以鷹犬從
禽獸者爲伍焉雍熙中將鷹犬獵于學射山鷹擊
茅亭客話

卷五
九

汲古閣

一雄雉救之得活其雉每足有二距徒侶皆異之
以巾包而負之覺其漸煖行一里間如火彷徨間
俄而陰晦乃風雷震電林木擺簸不知所歸遂棄
雉於澗下奔及至真觀避之時雨如注中宵方霽
不勝其驚因爾時有范處士者聞其說卽云雉者
龍也龍爲五蟲之長無定形寄居十二位爲鷄猪
牛馬之屬斯龍爲雉服也自貽其患苟無風雨之
變亦難逃鼎俎爾

李老

袁氏不記名人皆目爲表野人嘗居廣都縣庄時
盛暑有一老人衣白詣表庄求見表及席謂袁曰
某李氏家于此縣之南特來有託於君子願君憫
宥當有厚酬袁亦不甚諾之但寬勉而已且留食
水飯鹹豉而退復三日因暴雨溪漲庄民舉網獲
一鯉魚可三尺許鱗鬣如金撥刺不已表呼童就
機剖之腹有飯及鹹豉少許表因悟李老者魚也
且曰李老雖靈固難逃吾之一醉爾或云蟲莫智
於龍彼魚神龍也若斯變化安有難而難逃哉如
茅亭客話

卷五

汲古閣

是則智有所困神有所不及耶吁迤難困厄凡聖
與龍螭蠕皆一時免與不免何得異哉

慈母池

慈母池亦云滋茂池去永康軍入山七八十里池
水澄明莫測深淺每至秋風搖落未嘗有艸木飄
泛其上或墜片葉纖芥必有飛禽銜去之每晴明
水面有五色色彩如舒錦焉或以木石投之卽起黑
氣雷電雨雹立至或歲旱祭禱無不尋應休復曾
見道門訪龍經水有五色及沙在石上者皆是龍

居之處也

龍女堂

益州城西北隅有龍女祠卽開元二十八年長史章仇公兼瓊拔平戎城夢一女曰我此城龍也今棄番陬來歸唐化投問諸巫其言不異尋表爲立祠錫號會昌祠在少城舊跡近楊雄故宅每旱潦祈禱無不尋應乾符中燕國公高駢築羅城收龍祠在城內工徒設板至此驟有風雨朝成夕敗以聞於高公公亦夢龍女曰某是西山龍母池龍君

茅亭客話

卷五
十一

汲古閣

今築城請將某祠置於門外所冀便於往來公夢中許之及覺遂令隔其祠於外而重葺之風雨乃止城不復壞焉繼之王孟二主甚嚴飾之所禱感應封睿聖夫人天禧己未歲自九月不雨至庚申歲二月寺觀諸廟禱祈寂無影響知州諫大夫趙公稹躬詣其祠冥禱未至郡甘澤大澍達旦屬邑皆告足是歲豐登民無札瘥遂奏章新其祠宇焉

